

**UNIVERSITY OF SARAJEVO
FACULTY OF SCIENCE**

Broj: 01/01-569/15-2018
Datum: 27.09.2018. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na temelju člana 64. stav (1) tačka b), člana 70. st. 1., 3. i 6. , člana 89. st. 1. i 2.) Zakona o javnim nabavkama („Sl. glasnik BiH“, broj: 39/14), na Preporuku Komisije za javnu nabavku broj: 01/01-569/14-2018 od 24.09.2018. godine, u postupku nabavke radova: **SANACIJSKI RADOVI**, Dekan Prirodno-matematičkog fakulteta Univerziteta u Sarajevu je donio

O D L U K U
o izboru najpovoljnijeg ponuđača
po konkurentskom zahtjevu za dostavu ponuda

Član 1.

Prihvata se Preporuka Komisije za nabavke, broj: 01/01-569/14-2018 od 24.09.2018. godine, i ugovor za nabavku radova – **SANACIJSKI RADOVI**, dodjeljuje se ponuđaču **Braća Karić d.o.o. Zenica**, za ponuđenu cijenu **15.918,00 KM bez PDV-a**, kao najbolje ocijenjenom ponuđaču.

Član 2.

Prijedlog ugovora o nabavki dostavit će se na potpis izabranom ponuđaču **Braća Karić d.o.o. Zenica**, po proteku roka od 15 dana, računajući od dana okončanja postupka javne nabavke.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom Dekana o pokretanju postupka javne nabavke broj: 01/01-569/3-2018 od 03.09.2018. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 17.500,00 KM. Obavijest o nabavci broj: 654-7-3-115-3-10/18, objavljena je na Portalu javnih nabavki dana 03.09.2018. godine.

Budući da je u ovom postupku objavljena tenderska dokumentacija u sistemu „E-nabavke“, ugovorni organ uputio je poziv za preuzimanje tenderske dokumentacije u sistemu „E-nabavke“, koji odgovara zahtjevu za dostavu ponuda iz člana 88. stav 1. ZJN i to sljedećim ponuđačima:

1. Flooring d.o.o. Sarajevo,
2. IZO TECH d.o.o. Sarajevo
3. Wortmann Metal d.o.o. Sarajevo

Iz sistema „E-nabavke“ tendersku dokumentaciju su preuzeli sljedeći ponuđači:

1. ECP Sarajevo
2. E KAPIJA d.o.o.
3. BBS Europe
4. COLOREX d.o.o. Mostar
5. GALBOLS d.o.o.
6. EKO-GRADNJA d.o.o. Sarajevo
7. Tenzo d.o.o.
8. INTERMING d.o.o. Sarajevo
9. Braća Karić d.o.o. Zenica
10. INGGRA d.o.o. Sarajevo
11. Flooring d.o.o.
12. Wortmann Metal d.o.o.
13. COSPEX d.o.o.

Komisija za nabavku imenovana je Odlukom broj: 01/01-569/4-2018 od 03.09.2018. godine.

Komisija za nabavke dostavila je 24.09.2018. godine Zapisnik o pregledu i ocjeni ponuda i Izvještaj Komisije sa preporukom o izboru najpovoljnijeg ponuđača broj: 01/01-569/14-2018 od 24.09.2018. godine, u postupku javne nabavke **radova – SANACIJSKI RADOVI**.

Komisija je prije samog otvaranja ponuda konstatovala sljedeće:

- da su obaviještena tri potencijalna ponuđača da tendersku dokumentaciju mogu preuzeti na portalu javnih nabavki;
- da je ukupno 13 (trinaest) potencijalnih ponuđača preuzelo tendersku dokumentaciju.

Komisija za javne nabavke blagovremeno je izvršila otvaranje ponuda, koje su bile uredno zapakovane i utvrdila da je ukupan broj pristiglih ponuda 3 i to: Braća Karić d.o.o. Zenica, Wortmann Metal d.o.o. Srebrenik i Interming d.o.o. Sarajevo, te da su iste blagovremene.

S obzirom da je Komisija za nabavke kod ponuđača INTERMING d.o.o. Sarajevo uočila da je u ponudi prilikom obračuna u predviđenom Aneksu 3 napravio računsku grešku, odnosno da je na predviđeno mjesto za popust greškom unijet PDV, dopisom broj: 01/01-569/11-2018 od 17.09.2018. godine Komisija je zatražila da se gore navedeni ponuđač u pismenoj formi izjasni da li prihvata navedene ispravke računске greške, što je dopisom broj: 01/01-569/12-2018 i učinio.

1. Ponuda ponuđača Braća Karić d.o.o. Zenica sa ukupnom vrijednosti ponude 15.918,00 KM bez PDV-a ispunjava sve uslove utvrđene tenderskom dokumentacijom, te je ista ocjenjena kao formalno-pravno **prihvatljiva**.

2. Ponuda ponuđača Wortmann Metal d.o.o. Srebrenik sa ukupnom vrijednosti ponude 17.288,40 KM bez PDV-a ispunjava sve uslove utvrđene tenderskom dokumentacijom, te je ista ocjenjena kao formalno-pravno **prihvatljiva**.

3. Ponuda ponuđača Interming d.o.o. Sarajevo sa ukupnom vrijednosti ponude 15.520,38 KM bez PDV-a ispunjava sve uslove utvrđene tenderskom dokumentacijom, te je ista ocjenjena kao formalno-pravno **prihvatljiva**.

Ugovorni organ tenderskom dokumentacijom tačkom 6.2 je predvidio da će u svrhu poređenja ponuda primjenjivati preferencijalni tretman domaćeg u skladu sa Odlukom Vijeća ministara o obaveznom korištenju preferencijalnog tretmana domaćeg, donesene 04.10.2016. godine.

Prilikom obračuna cijena ponuda, u svrhu poređenja ponuda, umanjit će se cijene domaćih ponuda za preferencijalni faktor od 10% za ugovore koji se dodjeljuju u 2017. i 2018. godini.

Komisija za nabavke je konstatovala da je ponuđač INTERMING d.o.o. Sarajevo u svojoj ponudi u u Aneksu 2. Obrazac za ponudu, u tački 4. zaokružio da ponuda ispunjava uslove za primjenu preferencijalnog tretmana domaćeg, ali nije dostavio dokaz od Vanjskotrgovinske komore BIH ili druge nadležne privredne komore kojom se potvrđuje preferencijalni tretman domaćeg.

S obzirom na sve navedeno, ponuđaču INTERMING d.o.o. Sarajevo nije priznat preferencijalni tretman domaćeg, a ponuda je uzeta u daljnje razmatranje.

Ponuđač Braća Karić d.o.o. Zenica je u svrhu korištenja prava preferencijalnog tretmana domaćeg dostavio potvrdu Vanjskotrgovinske komore Bosne i Hercegovine kojom dokazuje da minimalno 50% radne snage koja će raditi na realizaciji ovog ugovora su rezidenti Bosne i Hercegovine.

Na osnovu toga, Komisija za nabavke je u svrhu poređenja ponuda umanjila ukupnu cijenu ponude bez PDV-a za preferencijalni faktor od 10%.

Ukupna cijena ponude bez PDV-a iznosi: 15.918,00 KM

Preferencijalni faktor od 10% iznosi: 1.591,80 KM

Ukupna cijena umanjena za preferencijalni faktor iznosi: 14.326,20 KM

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Prirodno-matematičkog fakulteta Univerziteta u Sarajevu nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Prema Izvještaju Komisije, broj: 01/01-569/14-2018 od 24.09.2018. godine, navedene ponude ispunjavaju uslove u skladu sa tenderskom dokumentacijom konkurentskog postupka i smatraju se prihvatljivim, te je na osnovu toga sačinjena rang lista prihvatljivih ponuda, počevši od napovoljnije:

Konačna rang lista ponuđača:

R.br.	Naziv/ime ponuđača	Ponuđena cijena (bez PDV-a)	Preferencijalni faktor 10%
1.	Braća Karić d.o.o. Zenica	15.918,00 KM*	14.326,20 KM
2.	Interming d.o.o. Sarajevo	15.520,38 KM	/
3.	Wortmann Metal d.o.o. Srebrenik	17.288,40 KM	/

*označava cijenu na koju se primjenjuje preferencijalni tretman

Shodno navedenom, Komisija je prema utvrđenom kriteriju najniže cijene dala preporuku da se u predmetu nabavke radova – SANACIJSKI RADOVI, donese Odluka o dodjeli ugovora ponuđaču Braća Karić d.o.o. Zenica, čija cijena ponude iznosi 15.918,00 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

Dokaze o kvalifikaciji izabranog ponuđača, isti je dužan dostaviti u roku od 6 (šest) dana od dana dostavljanja Odluke o izboru najpovoljnijeg ponuđača.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DEKAN FAKULTETA


Prof. dr Mustafa Memić



Dostaviti:

- Ponuđaču: Braća Karić d.o.o. Zenica
- Ponuđaču: Wortmann Metal d.o.o. Srebrenik
- Ponuđaču: Interming d.o.o. Sarajevo
- Dosije nabavki
- a/a